

# Jakmas UMSKAL anjur *Amazing Race 2018*

UB 26.4.2018 BF

**JAWATANKUASA**  
Kebajikan Mahasiswa  
(Jakmas) Universiti  
Malaysia Sabah, Kampus  
Antarabangsa Labuan  
(UMSKAL) telah  
menganjurkan Amazing  
Race 2018 yang diadakan di  
kampus itu.

Pengarah Program  
Amazing Race 2018 Nik  
Syazwan Nik Halizi berkata  
program yang bermula  
pada jam 6,30 pagi dengan  
pendaftaran peserta  
dan diteruskan dengan  
senamrobik.

“Program Amazing  
Race ini mempunyai lima  
checkpoint yang dimulakan  
dari padang UMSKAL.  
Checkpoint 2 berada di  
Beach café, checkpoint 3  
di gelanggang bola tampar,  
checkpoint 4 di Taman



**HADZARIAH** (dua kiri) yang diiringi oleh Nik Syazwan (kiri) menyampaikan hadiah kepada pemenang tempat pertama.

Damai dan checkpoint  
5 kembali ke padang  
UMSKAL,” katanya.

Sementara itu, tempat  
pertama dimenangi oleh  
kumpulan Johnny Jalan  
yang menerima hadiah

wang tunai sebanyak  
RM300, tempat kedua  
kumpulan Gerombolan  
Labattak (RM200) dan  
ketiga kumpulan Cendol  
Tang Tung Tuang  
(RM150).



**PEMENANG** tempat kedua menerima hadiah daripada Hadzariah (dua kiri) bersama Nik Syazwan (kiri).

Program itu diadakan  
untuk mengeratkan  
hubungan silaturahim  
dalam kalangan mahasiswa  
UMSKAL selain salah satu  
aktiviti Jakmas pada tahun  
ini.

Pada masa sama, peserta  
juga mengetahui beberapa  
produk pelancongan  
tempatan menerusi laluan  
di Taman Damai, Layang-  
Layangan.

“Menerusi penganjuran



**HADZARIAH** (dua kiri) menyampaikan hadiah kepada pemenang ketiga sambil diperhatikan Nik Syazwan (kiri).

The Amazing Race mampu  
melahirkan mahasiswa  
yang cergas, cerdas dan  
sihat tubuh badan untuk  
mengikuti pengajaran  
dan pembelajaran di bilik  
kuliah,” kata Nik Syazwan.

Majlis penutupan dan  
penyampaian hadiah  
kepada para pemenang  
disempurnakan oleh  
Pengetua Kolej Kediaman  
UMSKAL Dr Hadzariah  
Ismail.